

چند علیہ

مشیت جلیلہ اسلامیک جریده رسمیه سید

محرم الحرام سنہ ۱۳۳۹

عدد ۶۳

شمذیلک آیدہ بر نشر اولنور

آلفیجی سنہ

ایدوب لکن هند نفسندن تعبیره قادره اولیوب تصدیقه اهل اولمامغله تصدیق ایتوب
بعده زید فوت اولسه هندك نسبی زیددن ثابت اولوب زیده وارثه اولورمی الجواب
اولور .

کتابه الفقیر
مصطفی صبری اتوقادی
عفا عنه الهادی

اجوبه شرعیه

محمد هاشم مهریله مهور غره جمادی الاخر ۳۳۸ تاریخنده فتواخانهیه بالورود :
اولادینك قبری بولنان قبرستان محلنك دیوار و پنجره و تیمور پرمقلاق کی اقسامنك کندی
طرفدن یایدیرلمسی جائز اولوب اولیه جغه دائر واقع اولان استفتایه جوابدر .
§ مال استفتایه نظراً قبرستانك محافظه سیچون اطرافه دیوار انشاسی جائز اولور .
۱۸ جمادی الاخر ۳۳۸

* *

محمد هاشم مهرلی غره جمادی الاخر ۳۳۸ تاریخنده فتواخانهیه بالورود : غازی محمد
پاشا وقفندن متولییه مشروطه خانه محترق اولوب غله دخی اولمسه مذکور خانه باغچهسی
عرصهسندن بر مقدار عرصه وقف مذکور ایچون اذن متولیه صانیلوب وقف مذکور
امورینه صرف ایدلک و دیگر عرصهدن دخی بر مقداری اجارتینه بالنحویل اذن متولیه
صانیلوب آقچهسیله مذکور محترق خانه عرصهسینه مشروطه خانه انشاسی جائز اولوب
اولیه جغه دائر واقع اولان استفتایه جوابدر .

§ سککاسی کندویه مشروطه اولان منزل محترق متولی کندی مالندن بنایه مقتدر
اولنادینی یاخود امتناع ایتدیکی صورتده منزل مذکور رأی قاضی و معرفت متولی ایله
مصرفی اجرتیه محسوباً کالاول بنا ایتک اوزره آخره ایجار اولور .

۲۵ جمادی الاخر ۱۳۳۸

* *

مقبوله امضالی ۲۳ شباط ۳۳۶ تاریخنده فتواخانهیه بالورود : هند مجلس نکاحده
نکاح منعقد اولهجنی ائشاده وکیلک اولهیمی دین زید خطاباً راضیه اولمادیقندن هیچ

برشی دیمه سده رفاقنده بولنان زینب جواباً اول دیسه وعقد اجرا ایدلسه عقد مذکورک صحیح اولوب اولدیغنه دائر واقع اولان استفتایه جوابدر .
§ مآلنه نظراً حادثهده عمروی عقد نکاحه توکیلله هند زینی توکیل ایتدیکی تقدیرده عقد مزبور فضولی اولوب بوصورته عقد ایتدیکی نکاحی هند مزبوره عالمه اولدقدمه قبول ایتوب رد ایتیش ایسه عقد مذکور صحیح اولماز .

۱۸ جمادی الاخر ۱۳۳۸

* *

مظفر امضالی ۱۵ شباط ۳۳۶ تاریخنده فتواخانهیه بالورود : علی الاصول محله دن آله ان علم و خبرله اثبات وراثت ایدیلوب ایدیلهمیه جکنه دائر واقع اولان استفتایه جوابدر .
§ بر متوفایه وراثت ادعا ایدن کیمسه حاکم الشرع حضورنده اصول مشروعه سینه توفیقاً اثبات وراثت ایتیمی اقتضا ایدر .

۱۶ جمادی الاخر ۳۳۸

* *

حکمت امضالی ۴ جمادی الاخر ۳۳۸ تاریخنده فتواخانهیه بالورود : طریق عام و عمومه عائد محللرده انشا اولنان بنالرك هدميله اسکی حالنك اعاده سینه جواز شرعی اولوب اولمادیغنه دائر واقع اولان استفتایه جوابدر .
§ مال استفتایه نظراً ناحیه مذکوره اهالیسی طریق عامده فضولی احداث اولنان مذکور بنایی نقض ایتدیره بیلیرلر .

۱۸ جمادی الاخر ۳۳۸

* *

ضیا امضالی ۸ جمادی الاخر ۳۳۸ تاریخنده فتواخانهیه بالورود : امر سلطانی بلا تهدید اکراه معتبر اولوب اولیمیه جغنه دائر واقع اولان استفتایه جوابدر .
§ امر سلطانی علی الاطلاق اکراه معتبر قیلندن اولوب امر مذکورک حکمی مرعی اولدقجه تصرف ایله مرور ایدن زمان استماع دعوایه مانع اولماز .

۱۸ جمادی الاخر ۳۳۸

* *

حسنیه امضالی ۹ جمادی الاخر ۳۳۸ تاریخنده فتواخانهیه بالورود : هندک زوجی زید

مجنون اولوب جنونی زائل اولمیه چی اطباچه محقق اولسه فسخ نکاحه قادره اولوب اولمیه جفنه دائر واقع اولان استفتایه جوابدر .

§ هند مزبورہ نك خصوص مذکورہ دن طولای فسخ نکاح دعواسی مسئلہ شرعیسنہ تمامیلہ موافق وحضور قاضیدہ بر نہیج شرعی ثابت اولدینی تقدیرده فسخ نکاح ایتدیرمکہ قادره اولور . ۱۸ جمادی الاخر ۳۳۸

* *

مولوده امضالی ۱۲ جمادی الاخر ۳۳۸ تاریخنده فتواخانہ یه باورود : بروفقك مشروط لهی اولان برشخص استحقاقی قبض ایتہ دن وفات ایتسه وارثلرینہ انتقال ایدوب ایتہ جکنہ دائر واقع اولان استفتایه جوابدر .

§ بروفقك مشروط لهی بولنان ذاتك ایفای خدمت ایتدیکی سنہ یه عائد غلہ دن استحقاقی اخذ ایتدین وفات ایتدیکی تقدیرده استحقاق مذکورك ورثسنہ ویرلمسی اقتضا ایدر . ۲۴ جمادی الاخر ۳۳۸

فتواخانہ عالمك مقررات تقضیه سی

«کلیس قضای محکمہ شرعیه سندن اعطا اولنان فی ۲۷ دا ۳۳۷ تاریخی اعلامك اسباب تقضیه سی» اعلام مذکورده صورت شهادت اعلامه درج اولنمادینی جهتله اسم جهتندن اولان عدم موافقت غیر منفهم اولقله برابر اسملر حقنده تدقیقات مقتضیه اجرا ایدلدیکی غیر مبین وشهادت واقعه ایله معترضه مزبورہ غیردن تمیز ایتدیکی صورتده مجرد اسم جهتندن واقع اولان عدم موافقتك قبول شهادته مانع اولمسنك وجهی غیر ظاہر اولدینی کبی معترضه وکیلنك اثبات مدعادن اظهار عجزی اوزرینہ حادثہ ده زوج مرقومك هر حالده تحلیفی مقتضی اولدینی حالده برجهته دخی مراعات اولنمادینی جهتله رد دعوایه متدائر توقیع قلنان حکمك مداری مفقود اولدیغندن شایان قبول اولمامغین بو صورتده خصوص مذکورك محکمہ مذکورده اعاده محاکمه سی ضمننده محمله تسیاری اقتضا ایدر .

* *